

Lxxviii

782

صافی : ۳۵

مارت - نیماہ ۱۹۲۸

سنہ : ۶

دارالفنون

چیف فائولتبر محمد علی

مفوق ، اقتصادیات

ایک آبیہ بر نشر اولنور

مندرجات

قسم مفوق :

- نسب حقندہ کی احکام قانونیہ منہ بر نظر حاجی عادل
- تشکیلات اساسیہ قانونہ منافی احکامی احتوا ایدن قانونلر اوزرندہ بزده مدحت
- قضائی مراقبہ مسئلہ سی عبدالحق کمال
- مدنی جزالر مؤلفی ربیہر (مترجمی) محمد عثمان
- تورک حقونندہ عائدیت صلاحیت اختلافی مؤلفی قروزات (مترجمی) محمد عثمان

استانبول — یکی مطبعہ

۱۹۲۸

تشکيلات اساسيه قانوننه منافی احکامی احتوا ایدن قانونلر اوزرنده

بزده قضائی مراقبه مسئلهسی

قانونلرک قضائی عدم مراقبهسی خصوصنده حقوق فاکولتهسی مجموعه سنک کانون ثانی ۹۲۷ تاریخ و ۲۸ صائی لی نسخه سنده کی مقاله خصوصه مزده سرد ایتدیکمز دلائله جواباً مراقبه طرفدارلرینی محترم رفیقلم موسیو شارل قروزات و مصاح الدین عادل بک اقدینک نقطه نظرلی مجموعه مزک ایلول - اشرین اول ۹۲۷ و تشرین ثانی - کانون اول ۹۲۷ تاریخ و ۳۲، ۳۳ صائی لی نسخه لرده بولیورز . مذکور مندرجاتی ایبی اصله ارجاع ایتک قابلدر :

(۱) رژیم قانون اساسیلری اولان مملکتلرده بوقضائی مراقبه حقنده کی جریان افکار و بوباده کی تطبیقات .

(۲) بزم تشکيلات اساسيه قانوننک روح و متنه ، احوال و شرائط خصوصه مزه نظراً تورک حاکمک قانونلری قضائی مراقبه طومق حقنی حائز اولدیغنه دائر مدعیات .

۱

موسیو قروزات مقاله لرینک ایلک قسمنده آمریقا تجاربندن و فرانسه ده بوخصوصه کی جریان علمیدن بحث ایدیور .

آمریقاده قضائی مراقبه نک منشائی ، ویردیکی نتایجی ایلک مقاله مزده دور و دراز ایضاح ایتدک (حقوق فاکولتهسی مجموعهسی ، کانون ثانی ۹۲۷ ، صائی ۲۸) او یازیمزده برائیس بارتهلمی ، لارنود کبی بویوک برنفوذ علمی به مالک اولان بک جوق ذواتک مطالعات و تدقیقاتی استشهاده آمریقا تجربه سنک جسارت بخش اولدیغنی ذکر ایتدک .

محترم رفیقلم و محجم موسیو قروزات ، فرانسه به عائد مطالعاندن قانونلرک تشکيلات اساسیه به عدم موافقت نقطه نظرندن قضائی مراقبه به تابع اولاجق لرینه نه موضوعی ونده تعاملی برقاعده تأسس ایتدیکنی تسلیم و کرک فرانسه محکمه تمیزینک و کرکسه شورای دولتنک شمده به قدر ویردکاری قرارلرده بوخصوصه کی قضائی مراقبه نک طانندیغنه

دائر بر دلیلہ تصادف اولونمديغنی بیان ایتمکله ، فرانسه یه متعلق نقطه نظر مزده ، بزی تصدیق ایتمش اولیورلر ؛ مومی الیه ۱۸۳۳ تاریخنده اصدار ایدیلان پوله ن *arrêt Paulin* ، لومهر *Lemaire* ، لوین *Loyen* ، غوتیه *Gauthier* نونو *Nonaux* قرارلرینی ایلری یه سوره رک فرانسه محکمه تمیزی مقرر اتجه تشکیلات اساسیه قانونه عدم موافقت نقطه نظرندن قضائی مراقبه نك تأسسنه دلیل کوسترمه نك فائده سز بر غیر تکشاک اولدیغنی مطالعه سنده بولونمغله بعض معارضلر مزده جواب ویرمش اولیورلر . [*]

(حقوق فاکولته سی مجموعه سی صابی ۳۳؛ صحیفه ۹۷۴ و ۹۷۵)

۲

۱۳۴۰ تشکیلات اساسیه قانونمیزک روح ، متن واحوال و شرائط اجتماعیه مزه دائر سرد ایتدی کمز دلالتله قارشی ویردکاری جوابه کله لم .

۱ -- اولکی مقاله مزده تشکیلات اساسیه قانوننک روحنه استناداً دیمشدک که تشکیلات اساسیه قانوننک احکام اساسیه یه عائد اولان موادندن استخراج اولنه جفی وجهله بویوک ملت مجلسی بر هیئت حاکمه *Corps souverain* در بناء علیه ۱۰۳ نجی ماده هیچ بر قانوننک تشکیلات اساسیه قانونه منافی اولماز فقره سندن تطبیقی بر حکم چیقاربله مز تورک قوه مؤسسه سی حد داننده بر قوه مؤسسه صلاحیتی حائز بولونان بویوک ملت مجلسنه ، تشریعی صلاحیتی استعمالده ، قضائی بر مراقبه یه تابع طومتق ایسته مه مشدر رفیق محترمز بو خصوصده کی مدعای مز جرح صد دنده ۱ تشرین اول ۱۹۲۰ آوستریا فده رال تشکیلات اساسیه قانونیله ۱۴ اغستوس ۹۱۹ باوریه را تشکیلات اساسیه قانونلرینی مثال کوستره رک مجلس رژیم نك قانونلرک تشکیلات اساسیه قانونلرینه عدم موافقت نقطه نظرندن قضائی مراقبه یه مانع اولمديغنی ایلری یه سوربورلر .

اولا عفو عالیلرینه مغروراً شونی عرض ایده میم که مدعالرینی تأیید ضمننده مسئله یه وضع یدلرینک طرزنده مهم بر ذهول یاییورلر . بز ، بویوک ملت مجلسنک بر هیئت حاکمه اولسنی مجلس حکومتی نهجته عطف ایتمک که واقعه مطابق اولملری دولایسیله آوستریا

[*] بوی مطبوعات مزده کی بر یازی ده محکمه تمیزک مسکرات رسمی حقنده کی مثبت برقرارینی

اویولده تفسیر اینک ایسته ییلر اولدی .

فہدہ رال و باویہ را تشکیلات اساسیہ قانونیہ ملزم اولالم . بومدعائزده الزام اولنہ بیلیمہ من
ایچون بزملہ عینی شکل ارانہ ایدن دولتردن مثال المی اقتضا ایدردی .

آوستریا فہدہ رال تشکیلات اساسیہ قانونیہ فہدہ رال باویہ را قانون اساسیہ نیم نیایی
حکومت شکلی آئندہ بر مجلس حکومتی نہجی ارانہ ایدرلر . نیم نیایی حکومت
شکلندہ خلق صلاحیت عامہ نک موقع فعلہ قونمسنده دوعریدن دوعروہ اشتراک ایتدیکی
ایچون مجالسک بر ہیئت حاکمہ وصفی اکتسابنہ تشکیلی بر مانع واردر .

باویہ را تشکیلات اساسیہ قانونی ایسہ فہدہ رہ بر دولت قانون اساسیہ اولدینی ایچون
دیتک صلاحیت تشریعیہ سی فہدہ رال قانون اساسیہ دہ تقید ایدہ جکندن اونده بر ہیئت
حاکمہ اولسنہ مانع ایکنجی واساسلی دیگر بر سبب دہ وار دیمکدر .

کورولورکہ مجلس رژیمنی تأسیس ایدن بر تشکیلات اساسیہ قانونندہ مجالسک مطلقاً
بر ہیئت حاکمہ اولسی اقتضا ایتمز . دولترک شکلری اعتباریہ یابدیغمز بوتفریقک اساسلی
بر قیمت علمیہ سی واردر ودعوائزده کی مقایسہ لردہ ہمہ حال نظر اعتبارہ المی مجبوریتندہ یز .
بویوک ملت مجلسنہ ہیئت حاکمہ وصفی ویرن حال ۳۴۰ تشکیلات اساسیہ قانوننک
بر مجلس حکومتی نہجہ ابتدا ایتسی دکل عینی زماندہ بالخاصہ ۴ نجی مادہ دہ مصرح
اولدینی وجہلہ بویوک ملت مجلسنک بسیط بر دولت شکلی داخلندہ و تام نیایی برسیستم
آئندہ ، ملتک حقیقی ویکانہ مثلی اولمسیدر . بناء علیہ حد ذاتندہ بزجہ مطلوب قضائی
مراقبہ نی تأسیس ایتدیکی [*] ۸۳ و ۸۹ نجی مادہ لرینک احکام صریحہ سندن آکلاشیلان
آوستریا فہدہ رال قانون اساسیہ ۷۲ نجی مادہ سیلہ حکامہ بوصلاحیتی صراحتہ ویرن
باویہ را تشکیلات اساسیہ قانونی ہیئت حاکمہ حقندہ کی مدعائزہ جرح ایتس اولماز .

آوستریا فہدہ رال قانون اساسیہ سنک آلتنجی فصلنک ب فقرہ سیلہ قانونلرک قضائی
مراقبہ سی ایچون آبرنجہ بر محکمہ عالیہ تشکیل اولونمسنک و باویہ را تشکیلات اساسیہ قانوننک
۷۲ نجی مادہ سیلہ حکامہ اوصلاحیتی ویرن مادہ نک دلالت ایتدیکی بر معنا وارسہ اودہ
بومدعائزہ تأیید ایتلریدر : حکامک تشکیلات اساسیہ موافقت وعدم موافقت نقطہ
نظرندن بر صلاحیت ادعاسنہ حقری اولہ بیلیمسی ایچون تشکیلات اساسیہ قانونندہ بر
صراحت اولمیدر .

[*] موسیو قروزات دہ بونقطہ نظری تسلیم ایدیور ح . م صابی ۳۳ ، صفیہ ۹۸۶ .

II -- تشکيلات اساسيه قانونموزك روحنه عائد مدعيانه دائر جوابمزي ويردك كلهلم متنه عائد ردلرينه : مراقبه طرفدارلری ۱۰۳ نجی مادهنك ايكنجی فقرهسی پرنسبی صراحتاً وضع ايدييور، ديورلر . فی الواقع مذکور فقره بر پرنسبدن بحث ايدييور آنجق صور تطبيقهسی ایچون بر حکمی احتوا ایتدی کی ۵۲ و ۵۳ نجی مادهلرک احکام صریحهسیله قارشیلانیدیرنجه بونك تطبيقی بر قیمتی اولامایه جنی آشکار کورولور .

۵۲ نجی ماده اجرا وکیللری هیئتی قانونلرک صور تطبيقهسی ارانه ویاخود قانونلرک امر ایتدیکی خصوصاتی تثبیت ایچون احکام جدیده بی محتوی اولماق وشورای دولتك نظر تدقیقندن کچیرمک شرطیله نظامنامه تدوین ایدر .

نظامنامه لر رئیس جمهورک امضا واعلانیه معمول به اولورنظامنامهلرک قوانینه مغایرتی ادعا اولندقدنه بونك مرجع حلی تورکیه بویوک ملت مجلسیدر .

۵۳ نجی ماده محکمهلرک تشکیلاتی وظیفه وصلاحیتلری قانونله معیندر .

تورک حاکمک تشکيلات اساسيه قانونی احکامنه عدم توافق دولایسیله قضائی مراقبهسی صلاحیتی اولدیغنی ادعا ایدن رفقایه آنفالذکر مادهلرک احکام صریحهسی بر اقره رق مجلس مذاکراتنده کی بر محاوره دن حکم چیقارمق ایستیورلر (حقوق فاکولتهسی مجموعه سی صای ۳۳ ، صحیفه ۹۸۰) بوصورت حرکت اصلی بر اقوب فرعه کیتمک قیلندن اولور مومی الهک ۵۲ نجی مادهنك غایت صریح اولان صوک فقره سنه معنا ویرملری ده شایان قیددر . دیورلرکه : « بومادهنك تفسیری خصوصنده بر تفریق یاغلی ؛ مسئله بی آفاقی اوله رق دوشونه جک اولورسه ق یعنی بر نظامنامهنك قانونه موافقی خصوصنك آکلاشلمسی ایچون تفسیری اداره مقاماتنجه ویا اشخاص طرفندن طلب اولوندیغنی تقدیرده بو خصوصده جواب ویرمک صلاحیتی بویوک ملت مجلسنکدر . فقط مسئله انفسی نقطه نظر دن وئلا بر محکمه حضورنده بر دعوانك تعقیبی صره سنده موضوع بحث اولمشه بوتقدیرده حاکمک صلاحیت تقدیریسه سی شبهه سزدر (مثلاً قانونه غیر موافق بر نظامنامه ایله طرح ایدلش هر هانکی بر رسمی ویرمديکندن ناشی تعقیبانه معروض قالان بر فردک مراجعتی کبی) .

قناعتمزجه ۵۲ نجی مادهنك صوک فقره سنك بویله بر تفسیره تحمیلی یوقدر ماده نظامنامهلرک قوانینه مغایرتی ادعا اولندقدنه دیور « فقره نك حکمی مطلقدر . بر قانونك

تشکیلات اساسیہ قانونہ مغایرتی ادعائی کی نظامنامہ نک قانونہ مغایرتی خصوصندہ
ہرہانگی برادعادہ مابینجہ اویرہ قنیف در .

۵۲ نجی مادہ نک صوک فقرہ سنک بوتخلیلندن متبارز اولدینی وجہلہ تشکیلات اساسیہ
قانونمز حاکمی ، قانونلرک تطبیقندہ ، کندی تہ قیق رولندہ بیلہ تقید ایتمشدر . حلی
مطلوب مسئلہدہ بونقطہ ایجہ ضبط ایدملیدر : تشکیلات اساسیہ قانوننک نظامنامہ لرک قانونہ
موافقت وعدم موافقتی نقطہ نظرندن تورک حاکمہ بر صلاحیت تقدیریہ ویرمدیکی
بوصورتہ مبرهن ایکن ۱۰۳ نجی مادہ نک ایکنجی فقرہ سنک مبہم بر حکمندن قانونلر
اوزرینہ قضائی مراقبہ صلاحیتی ادعا ایتہ نک نہ درجہدہ مقارن حقیقت اولہجنی ادنا بر
ملابہ ایلہ آکلاشیلیر . شونقطہدہ شایان قیددرکہ واضع قانون ۲۳ تشرین ثانی ۳۴۱
شورای دولت قانوننک مادہ ۱۷ ، فقرہ ۴ و ۱۹ ، ۲۰ ، ۲۲ و ۲۳ نجی مادہ لریلہ نظامنامہ
کی سکلا فعل اداری acte administratif ومادہ فعل تشریعی اولان قرارنامہ لر ، ہیئت
وکیلہ نک عمومی ومجرد مابیندہ قرارلری اوزرینہ مذکور شورایہ قانونہ ویا نظامنامہ یہ
مغایرت نقطہ نظرندن قضائی مراقبہ صلاحیتی صراحتہ ویرمش ایکن نظامنامہ لرک قانونہ
مغایرتلری قارشوسندہ بالطبع تشکیلات اساسیہ قانوننک ۵۲ نجی مادہ سنک صراحتی
نظر اعتبارہ آلہرق سکوت ایتمشدر . [*]

مراقبہ طرفدارلرینہ کورہ ومحکمہ لرک تشکیلاتیلہ وظیفہ وصلاحیتلرینک قانونہ معین
اولدینی تثبیت ایدن ۵۳ نجی مادہدہ حاکمک صلاحیت عمومیہ سنہ دائر بر پرئسی وضع
[*] مراقبہ طرفدارلری مسئلہ یی افاق وانفسی اولہرق تفریق ایلہ شو نتیجہ یہ واریرلر :
حاکم نظامنامہ یی تطبیق ایدرکن قانونہ مغایرتی دفعی قارشوسندہ کندبسی دہ اواجہاددہ بولونورسہ
تطبیق ایتمز . مثلاً ، دیورلر ، ہرہانگی بر رسمی ویرمدیکندن طولای تعقیباتہ معروض قالان بر
فردک اویولہ بر دفعی قارشوسندہ حاکم دہ عینی رأیدہ ایسہ نظامنامہ احکامی تطبیق ایتہ جکدر .
قناعتمزجہ محاکم عادیلہ نک منع معارضہ ومنع مداخلہ نامی التندہ دکل بر نظامنامہ مراجع اداریہ دن
صدور ایدہ جک مقررات اوزرندہ بیلہ ، بر صلاحیت تقدیریہ لر یوقدر یوقاربکی مثالہ محاکم عادیلہ یہ صلاحیت
تقدیریہ طانیجہ مراجع اداریہ دن صدور ایدہ جک قرارلر اوزرینہ دہ بر صلاحیت تقدیریہ لرینی طانیق
بطریق الاولی ایجاب ایدہ جکدر حالبوکہ منافع عمومیہ ایچون براستمالک قرارینک قانونہ مغایرتی دفعی
قارشوسندہ حاکمی وظیفہ دارعد ایدہ جک مابیندہ بر اجتہاد ، بزى بروظیفہ وصلاحیت آنارئیسہ کدورر .
نظامنامہ مابینہ بر فعل تشریعی اولدینہ کورہ قانونہ مغایرتی ادعا اولاندودہ ، بواختلافی ، حد ذاتہ
تشریع عضوی اولان بویوک ملت مجلسنک حل ایتہک صلاحیتدار اولسی منطقیدر .

ایتمکدن باشقه برشی افاده ایتمز . اوماده هیچ برنوع تحدیدی تضمن ایتمز بناءً علیه حاکمه مراقبه صلاحیتینی بخش ایدن آریجه بر منته احتیاج یوقدر ، بوجهت اولنک قانونلری تفسیر خصوصنده حائز اولدینی عمومی بر صلاحیتدن پک قولایقله آکلاشیلابیلر . تشکيلات اساسیه قانوننی اخلال ایدن هر هانکی بر منته قانون اولسنه امکان یوقدر . حاکمک توزیع عدالت وظیفه مهمه سنک استلزام ایتدیکی بر فعالیت واردرکه بونی متلرک ایجریسنه قصر و حصر ایدلش اصول محاکمه لر ایله قاریشدر ماملی » (حقوق فاکولته سی مجموعه سی ، صائی ۳۳ ، صخیفه ۹۸۱) .

بونقطه ده ده رفقای محترمه مدن تمامیه آریلیورم . فی الواقع صوک دورلرده یتیشن حقوق عامه اربابی ، از جمله زه ز Jez قانونلرک ماهیتلری اعتباریه برر فعل قاعده ، فعل شرط ویا نفسی فعل اولدق لرینه نظراً قضائی مراقبه یه تابع اوله جق لرینی وبوصورتله قضائی مراقبه صلاحیتنک ، علماً ، هیچ بر صورتله تحدید اولنه مایه جغنی ایلری یه سوربورلر سه ده ا بوجریان علمی فرانسه ده بیله بر تعاملی بر حرکت تولید ایتمکدن پک اوزا قدر [*] بر جریان علمی قارشوسنده پیدا ایتدی کمز قناعت نه اولور سه اولسون تشکيلات اساسیه قانوننک احکام صریحه ایله تأسیس ایتدیکی نهج حقوقینی تغییره منجر اولمالیدر .

ایمدی واقعه مطابق بر طاقم امثال قانونیه ایله فکر منزی ایضاح ایده لم : تشکيلات اساسیه قانوننک ۵۳ نجی ماده سی : محکمه لرک تشکيلاتی وظیفه و صلاحیتلری قانونله معیندر ؛ دیور حقوق اصول محاکمه لری قانونی برنجی ماده : محکمه لرک وظیفه لری تشکیل محاکم قانونیه معیندر دیمکه آنف الذکر برنسی تأیید ایتمشدر .

محاکم شرعیه نک الفاسنه و محاکمک تشکيلاتنه عائد احکامی معدل ۸ نیسان ۳۴۰ تاریخ و ۴۶۹ نومرولو قانونک ۳ نجی ماده سی : « محاکم اصلیه صلح محکمه لرینک صلاحیت قضائیه لری خارجنده بولنان قوانین و نظامات موضوعه ایله قابل حکم اولان بالجمله دعاوی حقوقیه و تجاریه و جزائیه یی رؤیت ، کذلک تولیت و رقبه و شرط وقفه و ولایت وصیت وراثته و حجر و فک حجره و اثبات رشد و وصی عزل و نصبه و مفقود و مناکحات و مفارقات و مهر و نفقه و نسب حضانه یه متعلق دعاوی ایله متولی و ولی و وصیلره اذن اعطا وقفیه تنظیم و تسجیلنه ، موجب تحریر ترکاتک تحریر و بین الورثه تقسیمنه و ورثه نک خصص

[*] نته کیم کندیسی ده فرانسه حرکت تشریعی نه باقارق تطبیقاتده قانونلرک یالکزر شکلا

مراقبه سنده قرار قیلور .

ارتیه سنک تعینته متدائر خصوصاتی اولبابده کی قوانین مخصوصه تدوین ایدیلنجیه قدر اساسات جاریه به توفیقاً رؤیت وحل ایدیلر « دیور . کورولور که ۵۳ نجی ماده محکمہ لک وظیفه و صلاحیتلرینه دائر پرنسی قویغله برابر مثالزده حقوق اصول محاکمه لری قانوننک برنجی ماده سی اونی ایضاح و محاکم شرعیه سنک الفاسه و محاکم تشکیلاتنه عائد احکامی معدل آنف الذکر قانونک ۳ نجی ماده سی ده محاکم اصلیه لک صلاحیت قضائیه لرینی تصریح و حصر ایتشدر . احکام موضوعه مزک محاکم اصلیه و قوانین مخصوصه ایله دیگر قضائی مراجعک صلاحیتلری بو صورتله متعین اولونجه حکامک وظیفه و صلاحیتلری خارجنده بر فعل قضائی یا پاملری بر تجاوز صلاحیت اولور .

محاکم حد ذاتنده قانونلری تطبیق ایدن برر عضودر . بعض احوالده صلاحیت تقدیریه لری وارسهده اوده قانونی تطبیق صدندده در ؛ اونی قانونلرک صراحة تعین ایتدیکی احوال و شرائط داخلنده استعمال ایده بیلرلر . تشکیلات اساسیه قانوننک ۵۳ نجی ماده سی قانونله معیندر دیمسله تقییدی بر حکم وضع ایتدیکنی افهام ایدر . بناء علیه مراقبه طرفدارلرینک « ۵۳ نجی ماده حاکمک صلاحیت عمومیه سنه دائر بر پرنسی وضع ایتمکدن باشقه برشی افاده ایتمز ، اوماده هیچ برنوع تحدیدی تضمن ایتمز . بناء علیه حاکم تشکیلات اساسیه قانوننه موافقت وعدم موافقت نقطه نظرندن مراقبه صلاحیتی بخش ایدن آریجه بر متنه احتیاج یوقدر ، بولنده کی مدعاری مؤسس اساسات حقوقیه واحکام موضوعیه غیر مطابقدر .

اولکی مقاله مزده ایضاح ایتدیکمز وجهله (حقوق فاکولته سی مجموعه سی صایی ، ۲۸) فرانسهده مراقبه طرفدارلری فرانسه موضوعات قانونیه سنک قانونه مغایرتی ادعا اولونان نظامنامه لک قانونه موافقت ویا عدم موافقت نقطه نظرندن فرانسز حاکمونه ویردیکی صلاحیته استناداً قانونلرک قضائی مراقبه سی خصوصنده برتعاملک تأسسنه جوق چالیشیور . لرسهده شمدی به قدر بوجهد هیچ برثمره ویرمه مشدر حاکمک توزیع عدالت وظیفه سنک استلزام ایتدیکی فعالیت قوانین مخصوصه ایله تنظیم اولونمشدر واونک خارجنه چیقاماژ بودقیقه بناء در که مراقبه یی تأسیس ایدن تشکیلات اساسیه قانونلری ایستر فدهد رالیزم اساسانه ابتناء ویا چک اسلو قیا تشکیلات اساسیه قانوننده اولدینی کی یالکزشکله مقصور

اولوق اوزره تأسیس ایتمش اولسونلر وایسترسه مثلا بهرن قانطوتی و باویه را حکومتی تشکیلات اساسیه قانونلرنده اولدینی کبی اونی علی الاطلاق قبول ایتمش اولسونلر بوخصوصده آریجه فصللر ویا ماده لر تخصیص ایتشلردر .

III -- مراقبه طرفدارلرینک احوال وشرائط محلیه نك بویه بر مراقبه یی تأسیسه مساعد اولدینی حقنده اولکی مقاله مزده سرد ایتدیكمز مطالعاته جواباً در میان ایتدکلی دلائله مقنع دکلدر بالعکس ۹۳ قانون اساسیسنک وضعندن اعتباراً صوك زمانره قدر تشریعی حرکتمزك اراشه ایتدیکی شکل بوتون مطالعاندن قطع نظر بویه بر مراقبه یی شمذیلک تأسیس ایتمه مکی آمردر : جمهوریت اداره نك تأسیسه قدر محدود برطاقم استثنالری برطرف ایده جك اولورسه ق كرك خدمات عامیه متعلق اوله رق وكر كسه افرادك مناسبات حقوقیه لرینی تنظیم ایچون وضع اولونان بالمله قوانین ، تکمیل بر نهج حقوقی و انضباطی احکامی قانون اساسی احکامنه مخالف اوله رق موقع تطبیقه قونان برطاقم موقت قانونلر ویا قرارنامه لردر . تورك حاکمه بویه بر صلاحیت ویرلدیکی تقدیرده همان بوتون حقوق مکتسبه یه قارشى باب تزویر آچیلمش اولور . کورولبورکه بوکون معمول به قانونلر قارشوسنده تورك حاکمه قانونرک تشکیلات اساسیه قانونه موافقت وعدم موافقتی نقطه نظرندن قضائی مراقبه صلاحیتینی طانیق بزى بی حدود بر بطاقلقه ایصال ایدر . حالبوکه قضیه محکمه تشکیل ایدن حکملر ايله تعین ایدن بر وضعیت حقوقیه و حقوق مکتسبه بر جمعیتك ایکی کلید طاشیدرلر بوندن محروم اولان بر جمعیتده نظام اجتماعى قالمازه .

حقوق اساسیه معلی

مدرست